

ლანჩხუთის მუნიციპალიტეტის საკრებულოს

„იურიდიულ საკითხთა და ეთიკის“ კომისიის

სხდომის ოქმი N 10

17.11.2022 წელი

ქ. ლანჩხუთი

15:00 საათი

სხდომას უძღვებოდა: „იურიდიულ საკითხთა და ეთიკის“ კომისიის თავმჯდომარე, გიორგი ხელაძე.

სხდომას ესწრებოდნენ კომისიის წევრები: ია მოქია, კარლო წილოსანი, ნინო მშვიდლობაძე, დარეჯან ბურჭულაძე, კახაბერ ასკურავა.

სხდომას არ ესწრებოდა: მაკა მშვიდლობაძე.

სხდომას ასევე ესწრებოდნენ მოწვეული სტუმრები: ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი: როლანდ ლაშხია, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში: ლაშა სარჯველაძე, საკრებულოს აპარატის მეოთხე რანგის პირველი კატეგორიის უმცროსი სპეციალისტი ნინო ჭანტურიშვილი.

სხდომის თავმჯდომარემ, გიორგი ხელაძემ სხდომა გახსნილად გამოაცხადა და კომისიის წევრებს გააცნო დღის წესრიგის პროექტი:

1. „ლანჩხუთის მუნიციპალიტეტის 2023 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: გიორგი ხელაძე/

2. სხვადასხვა საკითხები.

კომისიის თავმჯდომარემ, გიორგი ხელაძემ კენჭი უყარა დღის წესრიგის პროექტს.

მომხრე 6; წინააღმდეგი არც ერთი.

**დღის წესრიგის პირველი საკითხი:** „ლანჩხუთის მუნიციპალიტეტის 2023 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსმა, როლანდ ლაშხიამ და განმარტა, რომ საქართველოს კანონმდებლობის თანახმად მუნიციპალიტეტის ბიუჯეტი წარმოადგენს მუნიციპალიტეტის საკრებულოს მიერ დამტკიცებულ, მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობას.

საქართველოს ადგილობრივი თვითმმართველობის კოდექსის და საქართველოს საბიუჯეტო კოდექსის თანახმად მუნიციპალიტეტის ბიუჯეტის დამტკიცების შესახებ დადგენილების პროექტის მუნიციპალიტეტის აღმასრულებელი ორგანოს მიერ მომზადება და მუნიციპალიტეტის საკრებულოს მიერ განხილვა და დამტკიცება ხორციელდება ყოველწლიურად.

ლანჩხუთის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე.

საქართველოს ცენტრალური ხელისუფლების მიერ 2023-2026 წლების ძირითადი ეკონომიკური და ფინანსური ინდიკატორების საბაზო მაჩვენებლების შესაბამისად მუნიციპალიტეტის 2023 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 155<sup>1</sup> მუხლის 2-ე პუნქტის მოთხოვნებს.

2023 წლის პროგნოზით მუნიციპალიტეტის ბიუჯეტის შემოსავლები ნომინალურ გამოხატულებაში 14330,0 ათას ლარს შეადგენს. 2022 წლის გეგმურ მაჩვენებელთან შედარებით 2023 წლის შემოსავლების პროგნოზი იზრდება 934,7 თასი ლარით (6,9 %-ით).

**2022 წელს საგადასახადო შემოსავლების პროგნოზი გადასახადების სახეების მიხედვით**

**შემდეგია:**

**დამატებული დირებულების გადასახადის საპროგნოზო მაჩვენებელი განისაზღვრა 11117,5 ათასი ლარით;**

2022 წლის გეგმურ მაჩვენებელთან შედარებით დღგ გაზრდილია 19,0 %-ით (1778,1 ათასი ლარით). აღნიშნული მოცულობით ზრდა გამოწვეულია მიმდინარე წელს, დაგეგმილზე მაღალი ეკონომიკური ზრდის შედეგად მოსალოდნელი გადაჭარბების და მომდევნო წელს ეკონომიკის ნომინალური ზრდის ფისკალური ეფექტებით;

**ქონების გადასახადის საპროგნოზო მაჩვენებელი შეადგენს 1200,0 ათას ლარს;**

*2022 წლის დამტკიცებულ გეგმასთან შედარებით ქონების გადასახადი 200 ათასი ლარით არის გაზრდილი, რაც გამოწვეულია საწარმოთა ქონების გადასახადის გაზრდით.*

**2023 წელს არასაგადასახადო შემოსავლების პროგნოზი გადასახადების სახეების მიხედვით შემდეგია:**

გრანტების სახით დაგეგმილი მაჩვენებლები განსაზღვრება 270,0 ათასი ლარით, მათ შორის:

სხვა დონის სახელმწიფო ორგანიზაციებიდან გამოყოფილი ტრანსფერი 270,0 ათასი ლარი, რომელიც მიიმართება დელეგირებული უფლებამოსილების განხორციელების დაფინანსებაზე;

2022 წლის გეგმურ მაჩვენებელთან შედარებით გრანტები 25 ათ ლარით გაიზარდა (10,2%-ით).

შემოსავლები საკუთრებიდან განსაზღვრულია 110,0 ათასი ლარის ოდენობით, მათ შორის: რენტა 110,0 ათასი ლარი;

2022 წლის გეგმური მაჩვენებელი შენარჩუნებულია.

შემოსავლები საქონლისა და მომსახურების რეალიზაციიდან განსაზღვრულია 42,0 ათასი ლარის ოდენობით, მათ შორის:

სანებართვო მოსაკრებლები 10,0 ათასი ლარი

მოსაკრებელი დასახლებული ტერიტორიის დასუფთავებისათვის 12,0 ათასი ლარი;

არასაბაზრო წესით გაყიდული საქონელი და მომსახურება 20,0 ათასი ლარი;

აღნიშნული შემოსავლები 2022 წლის საპროგნოზო მაჩვენებლებთან არის შესაბამისობაში.

შემოსავლები სანქციები, ჯარიმები და საურავებიდან განსაზღვრულია 1850,0 ათასი ლარის ოდენობით, მათ შორის:

2022 წლის გეგმურ მაჩვენებელთან შედარებით შემცირებულია 25,0 % -ით. (2023 წლის საპროგნოზო მაჩვენებელი გათვლილია 2022 წლის მოსალოდნელი შესრულების გათვალისწინებით)

არაფინანსური აქტივების კლების (პრივატიზაცია) სახით მისაღები თანხების გეგმა შეადგენს 10,5 ათასი ლარს;

ამავდროულად ბიუჯეტი ითვალისწინებს ვალის დაფარვას 58,1 ათ.ლარის ოდენობით.

მუნიციპალიტეტის ბიუჯეტის გადასახდელები:

მუნიციპალიტეტის ბიუჯეტის გადასახდელების მოცულობა შეადგენს 19000,0 ათას ლარს (2022 წლის დამტკიცებულ გეგმასთან შედარებით იზრდება 3211,7 ათასი ლარით).

აღნიშნული ზრდა გამოწვეულია მომსახურების ხარჯების ზრდით.

პრიორიტეტების მიხედვით გათვალისწინებულია:

ინფრასტრუქტურის განვითარება - 4342,9 ათასი ლარი; მათ შორის:

საგზაო ინფრასტრუქტურის განვითარება - 2440,0 ათასი ლარი;

წყლის სისტემების განვითარება -160,3 ათასი ლარი;

გარე განათება - 769,5 ათასი ლარი;

კეთილმოწყობის ღონისძიებები-150,0 ათასი ლარი;

მუნიციპალური ტრანსპორტის განვითარება - 23,1 ათ ლარი

საპროექტო-სახარჯთაღრიცხვო დოკუმენტაციისა და სამშენებლო სამუშაოების ტექნიკური ზედამხედველობისა და ექსპერტიზის ხარჯები განსაზღვრულია 700,0 ათასი ლარი:

პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისთვის საჭირო საპროექტო დოკუმენტაციის დამზადების ხარჯებისა და ექსპერტიზის ხარჯების ანაზღაურება. ასევე, მოხდება სამშენებლო სამუშაოების ტექნიკური ზედამხედველობისათვის საჭირო ხარჯების ანაზღაურება.

ოჯახების სოციალურ - ეკონომიკური გაძლიერების მხარდაჭერის პროგრამა - 100,0 ათ. ლარი

დასუფთავება და გარემოს დაცვა განისაზღვრა - 2324.0 ათასი ლარი, მათ შორის:

დასუფთავება და ნარჩენების გატანა - 2049.2 ათასი ლარი

პროგრამის ფარგლებში განხორციელდება მუნიციპალიტეტის დაგვა-დასუფთავება და ნარჩენების გატანა.

მწვანე ნარგავების მოვლა-პატრონობა, განვითარება - 254.8 ათასი ლარი

მოსახლეობისთვის ჯანსაღი და კომფორტული გარემოს შესაქმნელად აუცილებელია მუნიციპალიტეტის გამწვანება და ეკოსისტემის გაუმჯობესება. პროგრამის ფარგლებში მოხდება ქალაქ ლანჩხუთში მწვანე ნარგავების მოვლა-პატრონობა, მუნიციპალიტეტის ტერიტორიაზე არსებული სკვერების მოვლა-პატრონობა.

უპატრონო ცხოველების მოვლითი ღონისძიებები - 20,0 ათასი ლარი;

პროგრამის ფარგლებში განხორციელდება მაწანწალა ცხოველების დაცვითი ღონისძიებები.

განათლება - 3248,6 ათასი ლარი, მათ შორის:

სკოლამდელი განათლება - 3217,6 ათასი ლარი;

2021 წელთან შედარებით ცვლილება არ განხორციელებულა;

განათლების ღონისძიებები - 31,0 ათასი ლარი

კულტურა, ახალგაზრდობა და სპორტი - 3027,4 ათასი ლარი მათ შორის:

სპორტის განვითარების ხელშეწყობა - 1359,6 ათასი ლარი;

პროგრამის ფარგლებში დაგეგმილია სპორტული სკოლების ფუნქციონირების ხელშეწყობა ჯანსაღი მომავალი თაობის აღზრდის მიზნით. ასევე, სპორტის სხვადასხვა სახეობაში გაიმართება ტურნირები მოყვარულ და პროფესიონალ სპორტსმენებს შორის, მოხდება სპორტული სკოლების უზრუნველყოფა საჭირო ინვენტარით. პროგრამა ითვალისწინებს ლანჩხუთის მუნიციპალიტეტში მცხოვრებ წარმატებულ სპორტსმენთა და მწვრთნელთა დაჯილდოების ხარჯებსაც.

კულტურის განვითარების ხელშეწყობა -1647,8 ათასი ლარი;

პროგრამის ფარგლებში მუნიციპალიტეტი განახორციელებს სახელოვნებო სკოლების, ბიბლიოთეკების, მოსწავლე-ახალგაზრდობის ცენტრის, მუზეუმისა და კულტურის ცენტრის დაფინანსებას, უზრუნველყოფს მათი ფუნქციონირებისთვის საჭირო მატერიალური და ფინანსური ბაზის შექმნას. მუნიციპალიტეტის კულტურული ტრადიციების დაცვის მიზნით პროგრამის ფარგლებში გაგრძელდება სხვადასხვა კულტურული და დასვენების ობიექტის ფინანსური მხარდაჭერა, განხორციელდება სხვადასხვა კულტურული ღონისძიება, მათ შორის სადღესასწაულო დღეებში სხვადასხვა გასართობი და სანახაობრივი ღონისძიება და სხვა.

ახალგაზრდობის მხარდაჭერა -20,0 ათასი ლარი;

პროგრამის ფარგლებში დაგეგმილია ახალგაზრდების ინიციატივებით წარმოდგენილი სხვადასხვა პროექტების განხორციელება და სხვა.

ჯანმრთელობის დაცვა და სოციალური უზრუნველყოფა - 1055,1 ათასი ლარი, მათ შორის:

საზოგადოებრივი ჯანმრთელობისა და უსაფრთხო გარემოს უზრუნველყოფა - 193,1 ათასი ლარი;

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, კერძოდ: არსებობის შემთხვევაში ცოფის კერის ლიკვიდაცია და დაკბენილი მოსახლეობის ზუსტი აღრიცხვა, სასწრაფო შეტყობინების სისტემის დახვეწა და გაუმჯობესება; დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება; მუნიციპალიტეტის მოსახლეობაში არაგადამდებ ინფორმირების გზით ჯანმრთელობის დაცვის ხელშეწყობა;

სოციალური პროგრამებით გათვალისწინებულია - 862,0 ათასი ლარი;

მმართველობა - 5002,0 ათასი ლარი, მათ შორის:

საკრებულოს დაფინანსება - 1287,0 ათასი ლარი;

მერია - 3355,0 ათასი ლარი;

სარეზერვო ფონდი - 70,0 ათასი ლარი;

სამხედრო აღრიცხვის და გაწვევის სამსახური-180,0 ათასი ლარი;

სსიპ მუნიციპალური განვითარების ფონდისთვის დასაფარავი თანხა და ვალის მომსახურება 90,0 ათასი ლარი, მათ შორის - ძირი 58,1 ათასი ლარი და პროცენტი -31,9 ათასი ლარი.

წინა პერიოდში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა 20,0 ათასი ლარი.

ლანჩხუთის მუნიციპალიტეტის ბიუჯეტის ხარჯებისა და არაფინანსური აქტივების ზრდა ფუნქციონალურ ჭრილში.

საერთო დანიშნულების სახელმწიფო მომსახურება - 4763.9 ათასი ლარი;

თავდაცვა - 180,0 ათასი ლარი;

ეკონომიკური საქმიანობა - 2563.1 ათასი ლარი;

გარემოს დაცვა - 2304 ათასი ლარი;

საბინაო-კომუნალური მეურნეობა - 1799.8 ათასი ლარი;

ჯანმრთელობის დაცვა - 193,1 ათასი ლარი;

დასვენება, კულტურა და რელიგია-3027.4 ათასი ლარი;

განათლება -3248.6 ათასი ლარი;

სოციალური დაცვა -862 ათასი ლარი;

ლანჩხუთის მუნიციპალიტეტის 2022 წლის ბიუჯეტის დამტკიცების შესახებ“ დადგენილების პროექტთან ერთად წარმოდგენილია:

1. მუნიციპალიტეტის პრიორიტეტების დოკუმენტი (2023-2026 წლები);
2. ინფორმაცია 2022 წლის 9 თვის შესრულების შესახებ;
3. ინფორმაციას ბიუჯეტით განსაზღვრული პროგრამების/ქვეპროგრამების, მათი მოსალოდნელი შედეგებისა და შესრულების შეფასების ინდიკატორების შესახებ;
4. ინფორმაცია მუნიციპალიტეტის მიერ დაფუძნებული ა(ა)იპ-ების და შ.პ.ს.-ების შემოსულობების, გადასახდელების და ნაშთის ცვლილების შესახებ;

დარეჯან ბურჭულაძე დაინტერესდა, თუ რამდენმა ადამიანმა ჩაიტარა PT კვლევა და შესაძლებელია თუ არა 30 %-იანი თანადაფინანსება გაიზარდოს 50 %-მდე, რაზეც როლანდ ლაშხიაშვილი უპასუხა, რომ სულ სამმა ადამიანმა ისარგებლა აღნიშნული სერვისით და 2023 წლიდან PT კვლევის თანადაფინანსება იზრდება 30 %-მდე, ამჯამად არის 20 %.

დარეჯან ბურჭულაძემ აღნიშნა, რომ აუცილებლად გადასახედია საკითხი იმ ბავშვებთან მიმართებაში, რომლებიც არიან მინდობით აღზრდაში, არ არიან რეგისტრირებული ლანჩხუთის მუნიციპალიტეტში და ვერ სარგებლობენ იმ პროგრამებით, რომელსაც ჩვენი მუნიციპალიტეტი ახორციელებს.

დარეჯან ბურჭულაძემ ასევე აღნიშნა, რომ ტურიზმი არის პრიორიტეტი. ტურიზმის ეროვნული ადმინისტრაცია იწყებს რიგი პროექტების განხორციელებას და კარგი იქნება, თუ კონკრეტული სამსახური და გამოცდილი კადრები მოემსახურება ამ დიდ სფეროს.

საფინანსო-საბიუჯეტო სამსახურის უფროსმა, როლანდ ლაშხიამ აღნიშნა, რომ ბოლო 2 წლის განმავლობაში 3-4 მილიონ ლარიანი პროექტი ხორციელდება სოფელ ორაგვის მიმართულებით, რაც არის საპილოტე პროგრამა და ძალიან დადებითი მომენტია ლანჩხუთის სინამდვილეში, რაც შეიძლება მომავალ წელს კიდევ უფრო გაიზარდოს. მან აგრეთვე აღნიშნა, რომ 1900000 ლარია არაფინანსური აქტივების ზრდა.

კარლო წილოსანმა აღნიშნა, რომ ძალიან დაბალია ანაზღაურება სკოლამდელ დაწესებულებათა გაერთიანებაში. ის დაინტერესდა, იგეგმება თუ არა მათი ხელფასების ზრდა 2023 წლის ბიუჯეტში, რაზეც როლანდ ლაშხიამ გააკეთა განმარტება, რომ ყველა სისტემაში არის ხელფასების 10 %-იანი ზრდა.

გიორგი ხელაძე დაინტერესდა, ხომ არ იგეგმება ზამთრის პერიოდში ტექნიკის, კერძოდ, GSP-ს შექმნა თუნდაც განვადებით, რაზეც როლანდ ლაშხიამ უპასუხა, რომ საკანონმდებლო ორგანოს შეუძლია მიუთითოს აღმასრულებელ ორგანოს, რომ გარკვეული თანხა გამოიყოს აღნიშნულის შესაძენად.

გიორგი ხელაძე აგრეთვე დაინტერესდა, იგეგმება თუ არა საზოგადოებრივი ტრანსპორტის შექმნა, რაზეც როლანდ ლაშხიამ გააკეთა განმარტება, რომ ბიუჯეტში ტრანსპორტის შესაძენად თანხა არ არის წარმოდგენილი.

გიორგი ხელაძემ ასევე დასვა შეკითხვა იმასთან დაკავშირებით, იგეგმება თუ არა სადეპუტატო უფლებამოსილების ხარჯების გაზრდა და მისი კანონის ფარგლებში მოქცევა, რაზეც როლანდ ლაშხიამ უპასუხა, რომ სადეპუტატო უფლებამოსილების ხარჯების გაზრდა არ იგეგმება.

კახაბერ ასკურავამ აღნიშნა, რომ თუ მოხდება სადეპუტატო უფლებამოსილების ხარჯების ზრდა, იმ შემთხვევაში საწვავის ლიმიტის გაზრდას არ მოითხოვს.

გიორგი ხელაძემ აღნიშნა, რომ ლანჩხუთის მუნიციპალიტეტში იგეგმება საერთაშორისო ტურნირი ჭადრაკში, სადაც მონაწილეობას მიიღებენ სხვადასხვა ქვეყნის ახალგაზრდები. ის დაინტერესდა, არის თუ არა აღნიშნული ღონისძიების მოსაწყობად თანხები გათვალისწინებული ბიუჯეტში.

როლანდ ლაშხიამ აღნიშნა, რომ მისასალმებელია მსგავსი ტურნირების გამართვა ლანჩხუთის მუნიციპალიტეტში, მაგრამ ბიუჯეტში საჭადრაკო ტურნირის მოსაწყობად თანხა გამოყოფილი არ არის.

გიორგი ხელაძე დაინტერესდა, კრივის შემდგომ განვითარებასთან დაკავშირებით არის თუ არა ბიუჯეტში თანხები გათვალისწინებული, რაზეც როლანდ ლაშხიამ გააკეთა განმარტება და აღნიშნა, რომ კრივის განვითარებისთვის ბიუჯეტში თანხა ასახული არ არის.

განკარგულების პროექტი კომისიის წევრების მიერ მიღებული იქნა გამოთქმული შენიშვნებისა და წინადადებების გათვალისწინებით.

კომისიის თავმჯდომარემ კენჭი უყარა განკარგულების პროექტს.


მომხრე 6; წინააღმდეგი არც ერთი.

კომისიამ მიიღო გადაწყვეტილება: წარმოდგენილი განკარგულების პროექტი გადაეცეს საკრებულოს 2022 წლის 25 ნოემბრის სხდომას განსახილველად.

ამით კომისიის სხდომამ მუშაობა დაასრულა.

ლანჩხუთის მუნიციპალიტეტის საკრებულოს იურიდიულ

საკითხთა და ეთიკის კომისიის თავმჯდომარე



გიორგი ხელაძე

ლანჩხუთის მუნიციპალიტეტის საკრებულოს  
იურიდიულ საკითხთა და ეთიკის კომისიის  
დასკვნა N 10

ლანჩხუთი

17.11.2022 წელი.

2022 წლის 17 ნოემბერს მოწვეულ იქნა ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხი:

1. „ლანჩხუთის მუნიციპალიტეტის 2023 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

კომისიამ მიიღო გადაწყვეტილება:

დღის წესრიგის პირველი საკითხი: 1. „ლანჩხუთის მუნიციპალიტეტის 2023 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

2. წარმოდგენილი განკარგულების პროექტი გადაეცეს საკრებულოს 2022 წლის 25 ნოემბრის სხდომას განსახილველად.

ლანჩხუთის მუნიციპალიტეტის საკრებულოს

იურიდიულ საკითხთა და ეთიკის კომისიის თავმჯდომარე:








გიორგი ხელაძე



ლანჩხუთის მუნიციპალიტეტის საკრებულოს იურიდიულ საკითხთა და ეთიკის  
კომისიის წევრთა დასწრების სარეგისტრაციო ფურცელი

17.11.2022 წელი  
15:00 საათი

	სახელი, გვარი	გამოცხადების დრო	ხელმოწერა
1	გიორგი ხელაძე	14:55	
2	ია მოქია	15:00	
3	კახაბერ ასკურავა	15:00	
4	მაკა მშვიდლობაძე	—	სადაც კომისიის
5	კარლო წილოსანი	15:00	
6	ნინო მშვიდლობაძე	15:00	
7	დარეჯან ბურჭულაძე	15:00	